

80. Stjórnarfundur- símafundur 19. ágúst 2014.

Mætt: Hjalti Þór Vignisson, Böðvar Pétursson, Björn Ármann Ólafsson, Reynir Arnarson, Heiða Guðný Ásgeirsdóttir, Rósa Björk Halldórsdóttir, Sigrún Helgadóttir og Snorri Ingimarsson og einnig Þórður H. Ólafsson, framkvæmdastjóri.

Fundur hófst kl. kl. 12

1. Samþykki dagskrár

- Dagskrá samþykkt

2. Skaftafell

Fyrir fundinum lá fundargerð svæðisráðs suðursvæðis frá 30. júlí þar sem fjallað var um forgangsriðun framkvæmda, um nýtingu á rými í Skaftafelli, vægi á milli kjarnastarfsemi þjóðgarðsins og samkeppnisrekstrar, áherslur um veru atvinnufyrirtækja í Skaftafelli og áherslubreytingar í deiliskipulagi fyrir Skaftafell.

Þórður og Reynir gerðu grein fyrir umræðum á fundinum. Sagði Þórður að lengi hafi legið fyrir þörf á fjármunum til að byggja upp aukið rými fyrir starfsemina í Skaftafelli. Fengist hafi fjármunir frá Framkvæmdasjóði ferðamannastaða í stækkun veitingaaðstöðu í Skaftafellsstofu. Mikilvægt er að framkvæmdum verði lokið fyrir næsta vor. Sigrún gerði grein fyrir heimsókn sinni í Skaftafell í síðustu viku. Kom fram að samkeppnisrekstur sagnar til sín krafta landvarða og starfsmanna í Skaftafelli og lítið rými er fyrir annað starf, s.s. fræðslutengdar göngur sem eru að verða sífellt vinsælli.

Reynir sagði að á fundi svæðisráðsins hafi komið skýrt fram að nýta ætti fjármuni til að byggja við húsið.

Stjórn sammála og samþykkir tillögu svæðisráðs að við breytingar og frekari uppbyggingu þjónustu í Skaftafelli verði ekki gengið á það rými sem tilheyrir kjarnastarfsemi þjóðgarðsins og leitað verði leiða til að halda því rými sem fyrir er eða stækka það.

Mikilvægt er að í nánustu framtíð verði til skipulag til næstu ára sem miðar að því að auka vægi kjarnastarfsemi þjóðgarðsins þ.e. miðlun fræðslu og landvörslu. Einnig verði lögð áhersla á að auka sýnileika starfsemi þjóðgarðsins.

Jafnframt lá fyrir fundinum erindi frá Íslenskum fjallaleiðsögumönnum, dags. 1. ágúst 2014, varðandi leigusamning Íslenskra fjallaleiðsögumanna við Vatnajökulspjóðgarð.

Kom fram að leiga fyrir aðstöðu rekstrar við Fjallsárlón, sem er þjóðlenda, sé 1,5 m. kr. fyrir þriggja mánaðar rekstrartímabili. Stjórn samþykkir að gjald vegna veru fyrirtækja í Skaftafelli taki mið af ofangreindu gjaldi. Stjórn lýsir yfir stuðningi við áherslur framkvæmdastjóra í þessum málum.

Stjórn er sammála um að vegna aukins fjölda ferðamanna, takmarkaðs rýmis á bílastæðum og í þjónustumannvirkjum þá verði engum fyrirækjum veitt leyfi til að vera með aðstöðuhús eða starfsmannabústaði í Skaftafelli. Framkvæmdastjóra falið að fá álit lögfræðings um hæfilegan frest sem fyrirtækjum skuli veittur til að taka upp húsnæði í þeirra eigu og færa frá Skaftafelli.

Varðandi áherslu svæðisráðs um þróun á deiliskipulagi í Skaftafelli, felur stjórn formanni, formanni svæðisráðs, framkvæmdastjóra og þjóðgarðsverði í Skaftafelli að taka málið upp við bæjaryfirvöld á Hornafirði og finna því réttan farveg.

3. *Málefni vestursvæðis*

Hjalti gerði grein fyrir samtölum við ráðherra og heimafólk í Skaftárhreppi um Þekkingarsetrið. Málið er á viðkvæmu stigi og þess vegna hafi ekki enn verið settur á laggirnar starfshópur sem rætt var um að gera í júní þegar stjórn hitti heimafólk á Klaustri.

Heiða Guðný upplýsti um fund ráðherra með heimamönnum í Skaftárhreppi 8. ágúst s.l. um ofangreint málefni og fleira.

-Samgöngur í Vonarskarði

Þeir stjórnarmenn sem fóru um Vonarskarð fyrr í mánuðinum sögðu frá ferðinni og álitamálum sem rædd voru í tengslum við hveravæðið, samgöngur og uppbyggingu innviða á svæðinu. Málið verður tekið ítarlega fyrir á næstu fundum stjórnar.

4. *Önnur mál*

Þórður gerði grein fyrir rekstrarstöðu fyrstu sex mánuði. Rekstur er í jafnvægi. Kom fram að búið er að gjaldfæra kostnað vegna framkvæmda en eftir eigi að tekjufæra styrkjaframlög vegna þeirra á móti. Rekstrarstaða þjóðgarðsins fyrstu 6 mánuði er því í samræmi við áætlanir.

Hjalti óskaði eftir að stjórnarmenn sendu honum yfirlit yfir þau málefni sem vilji er til að taka fyrir á fundum stjórnar í vetur.

Rósa óskaði eftir upplýsingum um fyrirhugaða samráðsfundi um innleiðingu atvinnustefnu.

Snorri greindi frá því að honum var falið að koma því á framfæri að félagsmenn í Ferðaklúbbnum 4x4 eru tilbúnir til að veita þjóðgarðinum aðstoð í yfirvofandi hamförum ef not verður fyrir þekkingu og ferðataki félagsmanna. Einnig býður félagið Vatnajökusþjóðgarði aðgang að VHF endurvarpakerfinu, en einn af endurvörpum félagsins er staðsettur á Fjórðungsöldu.